

PLOANIES SAN MARTIN Y LUNGIARÜ

Incö domënia, ai 28 de messé, festejunse le de Mondial dles Lâs y di Neni y dla Jënt vedla. Porchël inviunse dër bel les lâs, i nëini, la jënt vedla y ince i mituns a tó pert ala mëssa en so onur!

Implü tignunse ince incö ai 28 de messé, la domënia de San Cristofer, olache l'oferta vëgn destinada ala mobilité tles Misciuns. Te n cëst ciafëise de pices crusc che aretjans dles Filipines y dl'Uganda á fat y che pó gní metüdes ti auti!

L'Assoziaziun Don Bosco „Operazione Mato Grosso” inviëia dotes y düc ala mostra de “Artigianato e solidarietà” a Al Plan, te calonia bas ite. Al sará da ciafé patüc fat a cialza, tiescé o cují fora, döt fat a man tles Misciuns dl'America dl süd. Cí che vëgn trat ite vá a fin de bëgn. La mostra é daverta dai 3 ai 18 d'agost, vigni de dales 10.00 – 12.30 y dales 15.30 – 19.00.

En vëndres, ai 2 d'agost, dales 21.00, él conzert dla musiga adöm cun le Bal Popolar sön le paiun a San Martin. I sëis düc dër bel invia da gní a ascuté pro.

Le cor jonil Kyrios ves inviëia a na ligna de conzerc te dljia en sabeda, ai 27 de messé tla dljia da Bornech y en domënia, ai 28 de messé tla dljia de Badia tres dales 21.00.

Le Museum de Tor pîta vijites menades fora por la mostra *Countdown to Mass Extinction?* cun le curadú Herwig Prinoth. Ciarede plü avisa t'ultima plata.

Le Raiun sozial Val Badia chir da atira na porsona por l'aministrazziun al 75% cun chisc recuisic: diplom de maturité; bi- o trilinguism B2 (plü dadí B); por n contrat a tēmp determiné cun poscibilité da gní prolungé. Prëibel contatade le Raiun sozial Val Badia al 0474 524 552 o menede na e-mail a antonia.castlunger@bzgpust.it

Döt le bun a chi che complësc i agn d'agost

a San Martin

Frida Burchia Ferdigg che nen complësc 91 ai 3
Clara Planatscher che nen complësc 86 ai 11
Ludwig Rungger che nen complësc 82 ai 13
Vijo Unterweger che nen complësc 90 ai 24

a Lungiarü

Maria Ploner Planatscher che nen complësc 87 ai 15
Linert Clara che nen complësc 87 ai 18



unitepastorala.org

Plata dles Ploanies San Martin y Lungiarü

ploan siur Klaus Sottsas 344 15 54 055 - ksottsas@rolmail.net
redaziun: anton.gasser@rolmail.net - 348 27 44 517 / 0474 523 194

28.07. - 04.08 n. 35

termo por comunicaziuns: jöbia, dales 20.00

17ª DOMËNIA IA POR L'ANN B

Vangele do san Jan 6,1-15

Canche Gejú â alzè i edli y odô ch'al gnô tan de jënt da d'ël, àl damanè Filipus: Olâ désson pa cumprè pan por che chësta jënt ais da mangé? Chësc âl mâ dit, por le mëte ala proa: deache ël instës savô cí ch'al ê por fà. Filipus ti à respognü: Pan por duicënt denars ne tleca nia, sce vignun de chisc dess nen ciafé almanco n píce toch. Un de sü discepui, André, le fre de Scimun Pire, ti à dit: Chilò él n píce möt, al à cin' pans d'orde y dui pësc; mo cí é pa chësc por tan tröc! Gejú à dit: Lascede che la jënt se sëntes jö! Al ê dailò cotan d'erba. Spo s'ai sentè jö; al ê incër cinmille ëi. Gejú à spo tut i pans, à dit l'oraziun de dilan y ti ai à partì fora ala jënt; insciö àl ince fat cun i pësc. Canche la fola ê pasciüda, ti àl dit a sü discepui: Coiede adöm i toç de pan avanzà, por che nia ne vais a dezip. Ai i à coiü adöm y n'á impli dodesc cësc cun i toç che ê avanzà di cin' pans d'orde, do ch'ai à albü mangé.



Gejú pronunziëia sura i pans y i pësc la oraziun de benedisciun y i lascia partí fora. Cí ól pa ester por daidé la jënt che é tla meseria?

"Do les parores di vangeli ól ester n möt, che é desponü da partí, spo ól ester la oraziun de ringraziamënt y de benedisciun de Gejú y inultima dess i discepui partí fora i pans." scrí le vëscó Wilhelm Egger (te süa lëtra pastorala "Ponsede ai cin pans ...")

Gejú vëiga le püch che é danman y la desponibilité de chësc möt. Cun d'atres parores: Sc'al n'é tröc arjigná da dé ca dl püch ch'ai á, vëgn le miracó dla multiplicaziun dl pan ince incö a s'al dé.

TI partí devëntel deplü.

Sce mi pan devënta nosc pan bastel le püch.

p. Robert Prenner OFMCap

EDEMA - B	SAN MARTIN	LUNGIARÜ	
<p>28.07.24 17^a DOMËNIA ia por l'ann B</p> <p><i>De mondial</i> <i>dles Lâs y di Neni</i> <i>y dla Jënt de tēmp</i></p>	<p>9.30 Corona (don Francesco) 10.00 Gran Mëssa por la comunité por les Lâs, i Neni y la Jënt de tēmp y benedisciun dl tēmp y di auti por les Lâs, i Neni y la Jënt de tēmp de rengr. fam. Hubert y Emma Prousch + Loise Ploner Unterweger Oferta por les Misciuns</p>	<p>7.50 Corona (pater Franz) 8.15 Gran Mëssa por la comunité por les Lâs, i Neni y la Jënt de tēmp y benedisciun dl tēmp y di auti en onur de San Cristofer por les families de Camura dl ann + Carlo Planatscher + Giovanni Pezzei + Gino Liotto + Isidoro Clara, Toch Oferta por les Misciuns</p>	<p>La fan ne fej nia ferias</p> <p><i>Tla campagna de chësc ann "La fan ne fej nia ferias" se concentrëia la Caritas sön les scores tl'Africa a süd dla Sahara. Le fin é chël de abiné adöm la formaziun y le nudrimënt, por ti pité ai mituns n miu dagní.</i></p> <p><i>Le travert dl'aziun che vá cina ai 4 d'agost é chël de abiné adöm ofertes por ti pité ai mituns formaziun y nudrimënt.</i></p> <p><i>Dantadöt por les zones africanes martorjades dala süta y da veres é chësc dër important por rové fora de chësta situaziun tragica dla fan y dla ignoranza. Sce i mituns ciafa ince da mangé te scora é chësc na motivaziun por les families da i condüje a scora.</i></p> <p><i>Al é bele 72.000 mituns che n'aprofitëia de chësc aiüt y al é da s'audé che la Caritas pois nen daidé cotanc deplü.</i></p> <p><i>L'aziun vëgn sostignida dala Conferënza di vëschi dla Talia CEI y da sponsors privac.</i></p> <p>En vëndres, ai 02 d'agost, dales 15.00, vëgnel te dōta la diozeja soné adöm les ciampanes por recordé la mort de Gejú sōla crusc y le gröm de jënt che mör da fan sura döt le monn.</p> <p><i>Chi che oress sostigní la Caritas pó ince le fá cun na oferta pro la Banca sön le cunt Raiffeisen Landesbank IBAN: IT 42 F 03493 11600 000300200018.</i></p> <p><i>(por deplü info www.caritas.bz.it)</i></p>
<p>29.07.24 Lönesc <i>Marta, Maria y Lazar</i></p>	<p>8.00 Mëssa tla capela da Ju (don Francesco) + Hermann Burkia</p>		
<p>30.07.24 Dedolönesc <i>Pire Crisologh, Leopold</i></p>	<p>8.00 Mëssa por benefaturs y jënt dla Ciasa de Palsa</p>	<p>19.30 Corona tla capela de S. Ojöp Fr.</p>	
<p>31.07.24 Dedemesaledema <i>Ignaze da Loyola</i></p>	<p>8.00 Mëssa tla capela da Frëina (don Francesco)</p>		
<p>01.08.24 Jöbia <i>Fonjo Maria da Liguori</i></p>	<p>18.30 Mëssa a Picolin (don Francesco)</p>		
<p>02.08.24 Pröm vëndres <i>Scebio, Pire J. Eymard</i></p>	<p>18.30 Adoraziun chîta 19.00 Mëssa en onur dl Cör de Gejú (don Francesco) de rengraziamënt</p>	<p>7.00 Adoraziun 7.30 Mëssa en onur dl Cör de Gejú ++ de Vanc por les Animes dl purgatore</p>	
<p>03.08.24 Sabeda <i>Lidia, Salome</i></p>	<p>18.30 Mëssa prefestia + Franz Planatscher + Erna Frenner</p>		
<p>04.08.24 18^a DOMËNIA ia por l'ann B</p> <p>Domënia dla Porziuncula</p>	<p>9.30 Corona por vocaziuns 10.00 Gran Mëssa por la comunité y benedisciun dl tēmp Oferta por la Caritas</p>	<p>7.50 Corona 8.15 Gran Mëssa por la comunité y benedisciun dl tēmp (don Marco) + Veneranda Schanung + Giacomo Chiusura ++ de Camura ++ Angela y Benjamin Clara Oferta por la Caritas</p>	